

Мұхаррам — тавба ойидир



16:00 / 11.08.2021 2865

Али розияллоҳу анҳу дедилар:

«Бир одам келиб, Набий соллаллоҳу алайҳи васалламдан:

«Рамазондан кейин қайси ой рўзасини тутишимни амр қиласиз?» деб сўради.

«Агар Рамазондан кейин рўза тутувчи бўлсанг, Мұхаррамни тут. Чунки у Аллоҳнинг ойидир. Унда Аллоҳ бир қавмнинг тавбасини қабул қилгандир ва бошқа қавмларнинг ҳам тавбасини қабул қиласадир», дедилар».

Термизий ривоят қилган ва ҳасан, деган.

Демак, ушбу ҳадисдан олинадиган фойдаларимиз:

1. Қайси вақтда нафл ибодат қилиш афзал эканлигини билиб олишга қизиқиш, унинг пайдидан тушиш фазийлат эканлиги.
2. Рамазон рўзасидан кейинги энг афзал рўза Мұхаррам ойи рўзаси эканлиги.
3. Мұхаррам ойи Аллоҳнинг ойи номига сазовор бўлган ой эканлиги. Зотан, барча ойлар ҳам Аллоҳникидир. Лекин Мұхаррам ойининггина шу ном билан номланиши бу ойнинг шарафига шараф қўшади.

4. Аллоҳ таоло Мұхаррам ойида ўтган қавмлардан бирининг тавбасини қабул қилғанлиги.

5. Мұхаррам ойида Аллоҳ таоло бошқа қавмларнинг ҳам тавбасини қабул қилиши. Шунинг учун қавмлар бу муборак ойда тавбага шошилсалар, яхши бўлади.

Азиз ўқувчи, Мұхаррам ойи ҳақида қандай маълумотларга эгамиз ва бу ойда қандай ибодатларни бажарсак савобга эришамиз. Хуллас, шунга ўхшаш саволларга жавоб олиш учун қуидагиларга эътиборимизни қаратсак.

«Мұхаррам» сўзи луғатда «хурматланган», «ҳаром қилинган», «улуғланган» деган маъноларни англатади.

Дарҳақиқат, Мұхаррам ойи ҳурматли ойдир. Бу ой ҳижрий сана бошланадиган ойдир.

Мұхаррам ойи Аллоҳ таоло урушни ҳаром қилған тўрт ойдан биридир. Бундан ортиқ ҳурмат бўлиши мумкинми? Бу ой «Аллоҳнинг ойи» деб номланади. Бундан ортиқ улуғлаш бўлиши мумкинми?

Мұхаррам ойи Рамазон ойидан кейинги ўринда туради. Бу ойда энг улуғ кунлардан бири - Ашуро куни бор. Бу ойнинг ҳурмати, ҳаромлиги ва улуғлигини ҳадисларни ўрганиш давомида яна ҳам чуқурроқ билиб оламиз.

1301- ????? ?????? ?????????????? ??????? ?????? ?????? ????????

????? ?????????????? ??? ?????? ?????? ?????? ?????: ??????????

????????????? ?????? ?????????????? ??????? ?????? ??????

????????????? ?????? ?????????????? ?????????????? ????????

????????????? ?????? ?????? ??????????. ????????

????????????? ?????? ???????????????.

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Рамазондан кейинги энг афзал рўза Аллоҳнинг Мұхаррам ойи (рўзаси)дир. Фарз намоздан кейинги энг афзал намоз тунги намоздир», дедилар».

Бешовларидан фақат Бухорий ривоят қилмаган.

Шарҳ: Ушбу ҳадисдан олинадиган фойдалар:

1. Рамазон рўзасидан кейинги энг афзал рўза Мұхаррам ойи рўзаси эканлиги.
2. Мұхаррам ойи Шаҳруллоҳ – Аллоҳнинг ойи деб номланиши.
3. Фарз намозидан кейинги энг афзал намоз тунги намоз эканлиги.
4. Мұхаррам ойида кўпроқ рўза тутишга ҳаракат қилмоғимиз лозимлиги.
5. Кечаси таҳажжуд намозлари ўқишга одатланишимиз кераклиги.

«Ҳадис ва ҳаёт» китоби асосида тайёрланди.